

Psalmus responsorius

Ps 127, 1-2. 3. 4-5 (R̄.: cf. 1a)

R̄. Beáti omnes qui timent Dóminum.

¹ Beátus omnis, qui timet Dóminum,
qui ámbulat in viis eius.

² Labóres mánuum tuárum manducábis,
beátus es, et bene tibi erit. R̄.

³ Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R̄.

⁴ Ecce sic benedicétur homo, qui timet Dóminum.

⁵ Benedícat tibi Dóminus ex Sion,
et vídeas bona Ierúsalem
ómnibus diébus vitæ tuæ. R̄.